



Cyngor Bro Morgannwg

Trwydded Toiled Cludadwy
Adran 171 - Deddf Priffyrdd 1980
Telerau ac Amodau

Mae angen caniatâd arnoch i osod toiled cludadwy ar y briffordd gyhoeddus, i gael caniatâd, cwblhewch y ffurflen gais. Byddwn yn asesu'r effaith ac yn rhoi caniatâd a neu ganllawiau fel ein bod yn sicrhau diogelwch a chyn lleied o darfu â phosibl.

Rhaid i'r ciwbicl toiled cludadwy fod wedi'i leoli y tu allan i'r cyfeiriad a bennir ar y drwydded ac o fewn bae parcio y cytunwyd arno lle bo hynny'n berthnasol.

Sylwch y gallai fod angen rhoi ataliad dros dro ar waith ar fae parcio yn dibynnu ar y lleoliad a bydd ffioedd ychwanegol yn berthnasol.

Nid oes angen trwydded arnoch i osod ciwbicl toiled cludadwy ar dir preifat. Fodd bynnag, rhaid i chi fod yn ofalus os ydych chi'n defnyddio'r briffordd i lwytho neu ddadlwytho unrhyw giwbiclau toiled cludadwy ar dir preifat. Os oes rhaid i gerbyd groesi troedffordd gyhoeddus i gael mynediad at dir preifat, rhaid i chi ofyn i ni adeiladu croesfan dros dro neu barhaol ar y droedffordd honno.

Mae'r trwyddedai yn gwbl gyfrifol am y ciwbicl toiled cludadwy a rhaid iddo gadw at y telerau ac amodau a nodir isod.

Gall methu â chydymffurfio â'r telerau ac amodau hyn arwain at gamau gorfodi, gan gynnwys hysbysiadau cosb benodedig a/neu erlyniad. Os na chydymffurfir ag unrhyw un o ofynion y trwyddedau hyn, gallwn gymryd mesurau angenrheidiol i farcio, diogelu, goleuo neu symud y ciwbicl toiled cludadwy, yna glanhau ac atgyweirio'r briffordd a bydd y trwyddedai'n atebol am y costau a ysgwyddir gyda mesurau o'r fath.

Telerau ac Amodau:

1. Mae Arolygwyr Cynnal a Chadw Priffyrdd yn patrolio'n rheolaidd i wneud yn siŵr bod ciwbiclau toiledau cludadwy wedi'u lleoli'n gyfreithlon, gan gadw at y telerau ac amodau a nodir yn eu trwyddedau, a'u symud yn brydlon ar ôl dyddiad dod i ben eu trwydded.
2. Cyfleusterau diogelu addas yn cael eu darparu a'u cynnal yn unol â'r **Llawlyfr Arwyddion Traffig: Pennod 8 a Diogelwch a Gwaith Ffordd (Llyfr Coch)** drwy gydol cyfnod y drwydded.
3. Nid yw'r ciwbicl toiled cludadwy yn rhwystro unrhyw gyli neu siambr archwilio.
4. Nid yw'r ciwbicl toiled cludadwy yn rhwystro arwyddion stryd, gorchuddion cyfleustodau, blychau, safle bws neu gelfi stryd eraill.
5. Rhaid i'r ciwbicl toiled cludadwy gael ei symud o'r briffordd pan fydd y drwydded yn dod i ben a rhaid gadael yr ardal mewn cyflwr glân a thaclus.
6. Ni ddylid gosod y ciwbicl toiled cludadwy o fewn 8.0 metr i gyffordd ffordd, safle bws neu derfynfa, signalau traffig (dros dro neu barhaol), croesfan i gerddwyr, ysgol, ysbyty neu fynedfeydd/allanfeydd gwaith.
7. Ni fydd y ciwbicl toiled cludadwy yn fwy na'r dimensiynau y cytunwyd arnynt a bydd yn cael ei osod yn y lleoliad y cytunwyd arno gyda phedwar rhwystr cerddwyr sy'n cydymffurfio (stribedi adlewyrchol coch/gwyn) o'i amgylch.
8. Os caiff ei osod mewn bae parcio, ni ddylid storio unrhyw ddeunyddiau wrth ymyl y gofod y cytunwyd arno ar gyfer y ciwbicl toiled cludadwy.

9. Ni ddylid gosod y ciwbicl toiled cludadwy ar linellau cyfyngiad parcio melyn (sengl neu ddwbl).
10. Mewn parthau rheoli parcio, rhaid gosod y ciwbicl toiled cludadwy mewn baeau parcio.
11. Dylai'r ciwbicl toiled cludadwy fod mewn cyflwr da gydag enw a rhif cyswllt y perchennog i'w weld yn amlwg arno.
12. Rhaid i'r ciwbicl toiled cludadwy beidio â rhwystro mynediad at offer ymgymerwyr statudol.
13. Ni ddylid llusgo'r ciwbicl toiled cludadwy ar hyd y briffordd nac mewn unrhyw ffordd a fyddai'n achosi difrod i'r briffordd.
14. Rhaid symud y ciwbicl toiled cludadwy ar unwaith os gofynnir am hynny gan y Tîm Cynnal a Chadw Priffyrdd, i wneud gwaith ar y briffordd boed yn waith brys neu'n waith cynnal a chadw wedi'i gynllunio neu ar gyfer digwyddiad ar y briffordd.
15. Bydd y cytundeb trwydded yn dod yn annilys os na chedwir at unrhyw un o'r amodau neu os nad oes gan y trwyddedai fuddiant yn y prosiect mwyach.
16. Bydd archwiliad yn cael ei gynnal ar ddiwedd y drwydded ac os yw'r ciwbicl(au) toiled cludadwy wedi achosi unrhyw ddifrod i'r briffordd gyhoeddus, byddwn yn gwneud unrhyw waith adfer angenrheidiol ac yn codi tâl am yr holl gostau angenrheidiol i'r trwyddedai.
17. Cyfrifoldeb y trwyddedai fydd unrhyw aflonyddwch neu ddifrod i offer cyfleustodau.
18. Llofnodwr y cais yw'r person sy'n derbyn cyfrifoldeb am gydymffurfio â'r holl amodau a rheoliadau sy'n gysylltiedig â chiwbicl toiled cludadwy ar y briffordd.
19. Bydd y drwydded a roddir yn cael ei harfer yn y fath fodd fel nad yw'n achosi niwsans, aflonyddwch neu berygl i feddianwyr eiddo cyfagos na defnyddwyr y briffordd.
20. Bydd y briffordd yn cael ei chadw mewn cyflwr taclus ac yn rhydd o rwystrau bob amser.
21. Rydym yn cael ein hindemnio yn erbyn pob hawliad sy'n deillio o ddigwyddiad a achosir gan giwbiclau toiledau cludadwy. Rhaid i bob ymgeisydd gael yswiriant atebolrwydd cyhoeddus o £5 miliwn i weithio ar y briffordd gyhoeddus. Byddai methu â chael yswiriant yn arwain at y drwydded yn dod yn annilys.
22. Rhaid i'r trwyddedai gydymffurfio ag unrhyw gyfarwyddyd a roddir gan y Swyddog Gorfodi Priffyrdd.

Sylwch:

- Bydd Cyngor Bro Morgannwg yn trwsio unrhyw ddifrod i'r briffordd fabwysiedig sy'n digwydd o ganlyniad i osod neu symud ciwbicl toiled cludadwy, gydag unrhyw gostau cysylltiedig a ysgwyddir yn cael eu codi ar yr ymgeisydd.
- Yr ymgeisydd fydd yn talu unrhyw gostau fydd Cyngor Bro Morgannwg yn eu hwynebu o ganlyniad i fynd yn groes i delerau ac amodau'r drwydded. Ffi diffyg cydymffurfio o **£150.00** am bob achos o dorri'r amodau hyn.

- Efallai y bydd achosion lle mae disgrisiwn ac amgylchiadau yn pennu y gallai'r telerau ac amodau uchod amrywio ychydig, fodd bynnag, caiff hyn ei esbonio'n fanwl gan swyddog o'r swyddogaeth Cynnal a Chadw Priffyrdd gyda phenderfyniad swyddogion y Cyngor yn derfynol.

Cosbau diffyg cydymffurfio

- Os bydd unrhyw ddifrod i'r briffordd, bydd Cyngor Bro Morgannwg yn adennill yr holl gostau am atgyweiriadau gan Ddeiliad y Drwydded.
- Os byddwch yn methu â chydymffurfio â'r Telerau ac Amodau a'r holl ddeddfwriaeth berthnasol, byddwch yn agored i gamau gorfodi sy'n cynnwys Hysbysiad Cosb Benodedig **Rhan IX Deddf Priffyrdd 1980 am Rwystro Priffordd.**
- Is-adran 137A Pŵer i orchymyn i'r troseddwr symud y rhwystr
- Is-adran 171 meddiannu priffordd ac ati (Cyflawni Trosedd o dan yr isadran hon) Cosb Benodedig o **£150.00.**
- Adran 149 Symud pethau sy'n cael eu gadael ar Briffyrdd ac sy'n peri niwsans ac ati. (Pŵer i'w symud ac adennill costau).

Indemniad Cyfreithiol

- Bydd deiliad y Drwydded yn indemnio Cyngor Bro Morgannwg a/neu ei weision a'i asiantau a'u hindemnio'n barhaol rhag unrhyw atebolrwydd, rhag unrhyw hawliadau, galwadau, gweithredoedd, costau a difrodau sy'n deillio o ganlyniad i osod y cynhwysydd ar y lôn gerbydau, ar droedffordd neu ar lain laswellt.
- Bydd cyfnod yr indemniad yn parhau o gychwyn y cyfnod y gadewir y deunyddiau tan iddynt gael eu symud i ffwrdd yn derfynol.
- Rhaid i'r trwyddedai fod ag yswiriant atebolrwydd cyhoeddus o £5,000,000 ar waith ar gyfer unrhyw un digwyddiad gydag yswiriwr ag enw da. Yn ôl yr angen, bydd y Trwyddedai'n rhoi'r polisi neu'r polisiâu yswiriant i'r Awdurdod ynghyd â derbynebaw ar gyfer talu am y polisi cyfredol.